

Guangjisi Minzcu Bau

ganhhau: CN45-0036 B.2017 Nd.9 Ng.20 liggaueq dingyoux nienz ndwenbet coit

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3292期

Cingsih Haenqrengz Dajcauh Daegsaek Lijyouz Binjbaiz

靖西全力打造特色旅游品牌

Geij bi neix daeuj, Cingsih Si gaemdawz seizgei cauxlaeb "aen yienh okmingz lijyouz daegsaek Guengjsae", youq gwnz giekdaej gyamaenh "swnghdai byaraemx, fungcingz henzguk, vwnzva minzsuz, gvaq ngoenzgyaj ciengxndang, hawsingz youqndwi" haj aen binjbaiz hung, haenqrengz dajcauh daegsaek lijyouz binjbaiz.

Aen si neix baengh gijndei lijyouz swhyenz, giengzvaq hwnjguh gingjih gingjiemj, cugyamq dawz lijyouzyez hwnghat baenz gij cannieb youqgaenj cienjhingz swnggaep, cengaeu daengx bi dakdaih bauxhek daengz 580 fanh vunzbaez, gyalai 15% doxhwnj, lijyouz cungsiuhfei daengz 59 ik maenz, gyalai 17% doxhwnj.

Gaenxmaenx hwnghat gizdieg lijyouz, gaem ndei hong cauxlaeb dieguhyiengh gizdieg lijyouz guckgya,

gyavaiq hwnjguh ranghdieg lijyouz fungcingz henzguk Cungguk Yeznanz, diegsawqniemh lijyouz henzguk, diegdoxgap lijyouz hamj gyaiq, coicaenh lijyouzyez daengx gizdieg, daengx cannieblien hwnghat. Hai-goeng hwnjguh buck singgaep lijyouz bouqlaeuj he, guhsat buck swnj guh lijyouz hanghmoeg he, hwnjguh buck guckgya A gaep gingjih moq he. Caenh' itbuh cauxmoq gij lohnaemj "lijyouzyez+", coicaenh lijyouz caeuq vwnzva, diyzuz, sanghmou, nungzyez daengj yungzhab hwnghat, haenqrengz gungganq cangqheiq ciengxndang, youqndwi gvaq ngoenzgyaj daengj lijyouz yezdai moq.

Doicaenh lijyouz gihei cauxmoq. Gohyozy faen dieggoengnaengz lijyouz, hwnjguh laebcaez aen gihei gyonjgyoeb guenleix dieggoengnaengz lijyouz, leixswnh nangqdaengz lijyouz guenleix bouhmonz, gingjih guen-

leix danhvei ciznwnz cizcwz, gyaak doiq dieggoengnaengz lijyouz swnghdai vanzging, cannieb, hwnjguh daengj gizdieg haiguh cingqciengz lijyouz hengzfap cunzcax. Laebndei aen gihei lijyouz douzcienz yungzcienz, baengh aen cizdonz hwnghat moq dap aen bingzdaiz lijyouz douzcienz yungzcienz, coicaenh lai cung fuengsik yungzcienz couzcienz.

Gya'gvangq lijyouz bauxhek goekgaen hawciengz. Cauxmoq hawciengzvaq, vangjlozva ginghyingz siugai vunqsik, daezswng ginghyingz siugai cingzci; doicaenh aenhoh gaepbied sang lijyouz daengx gizdieg cingqciengz banh, saeqsim couzbanh haw gai yw ndwenngux co'ngux daengj angqhoh ngoenzciet hozdung, gaenxmaenx ciepbanh buck hozdung daengx gih daengx si youqgaenj he, daezswng gij rengzyingyangj lijyouz aen si neix.

(Hoz Yungz)

Duh'anh Banh Hoih Fwen Ginhyungz

都安举办金融山歌会

Ndwen 9 ngoenz 15 daengz 16 banhaemh, Aen Hezvei Fwen Duh'anh Yauzcuz Swciyen bae lajmbanj yienj eu fwen ginhyungz, gyoengq canghfwen aeu fanj cienzyaj, cinjing bangfuz ciqciengz moq, dauq ranz cauhib ciqciengz leihsik daemq daengj cihsiz yungj gij hingzik vunzlai haengj dingq gyaey yawj haenx eu fwen, yinx ndaej haujlai bouxyawj daeuj yawj, ndaej daengz vunzbiengz haenhndei. Ndaw doz dwg gyoengq canghfwen cingq eu fwen.

(Cinz Cunghvaz/覃宗华 Cinz Gyauhlingz/覃姣玲)



Yungzyen Riuzcienj Diegnamh Hawj Lajmbanj Lijyouz Bienq Hoengh

容县土地流转舞活乡村游

Geij bi neix daeuj, Yungzyen gujli bauxghnaz riuzcienj gij gienz bauguh diegnamh, hwnghat lajmbanj swnghdai lijyouzyez. Aen yienh neix doenggyaq riuzcienj diegnamh hwnghat lajmbanj swnghdai lijyouz, cujyau miz sam cung hingzik:

Cung hingzik coyungj gujfwnci. Aen yienh neix Aen Gingjih Doenghnaz Byaraemx Duhgyauz dajveh bued cienz 1 ik maenz, seizneix gaenq bued cienz 2000 lai fanh maenz, co diegnamh 500 lai moux, faenbied hwnjguh le suenva seiggeiq, suen mbaetsou, suen doenghgo, daemz dajcaemx daengj youqndwi guh'angq sezsih. Cawz binaengz moix moux ok cienzco 1350 maenz hawj bauxghnaz, lij ciusou le 70 lai baux bauxghnaz

dangdieg daengz gingjih guh hong.

Cung hingzik gujfwnci diegnamh doxgap, bi 2016 ndwen 8 doxdaeuj, Sunghsan Cin Sinzyangz Cunh youq mwh hwnghat ndoengfaex lijyouz caeuq swnghdai lajmbanj hwnjguh, laebbaenz le aen ciennieb hozcozse bauxghnaz gujfwnci diegnamh, aeu ndoengbya diegnamh bauxghnaz gyoebcomz daengz hozcozse, hozcozse caiq yungj ndoengbya diegnamh hauejguj, diegnamh dakguenj daengj fuengsik caeuq nungzyez giyez doxgap, haenqrengz hwnghat ndaw ndoeng ginghci caeuq ndoengfaex lijyouz. Daengz seizneix, aen ciennieb hozcozse neix miz veiyenz 80 hoh 750 baux, gyoebcomz naz 150 moux, diegfaex 850 moux, doenggyaq yinx-

haeuj giyez doengzcae haifat ndoengfaex lijyouz caeuq hwnghat ndaw ndoengginghci.

Cung hingzik coyungj duzsw. Sunghsan Cin Dasuij Cunh dwg aen mbanjungzhoj liz yienhsingz 12 goengleix he, diegyouq aen luegbya iq baihgwnz miz raemxduqdat he, vanzging gyaunde. Bi' gvaq, aen cunh neix yinxhaeuj 3800 fanh maenz roengzbonj, co diegnamh, ndoengbya 700 moux, hwnjguh diegliyouz lajmbanj aendaui ronghndwen. Aen gingjih neix ngamq hwnjguh yinyingz geiz daih' it, couh gaenq sou 50 lai baux vunzmbanj bae guh hong, daiqdoengh 49 hoh ranzungzhoj gungh 250 baux vut gungz.

(Cinz Cungzvangj)

SIUSIK DINJ

简讯

● Ndwen 9 ngoenz 14, Yungzsuij Myauzcuz Swciyen Hungzsuij Yangh Fulenz lienzhaeh daengz bouxsimndei Aen Gunghsw Mouyi Gozci (Sanghai) Sanhliouh bae daengz Hungzsuij Yangh Liengzsangh Cunh Siujyoz soengq raeuj, gyoengq bouxsimndei soengq boibaujraeuj, mauh, daehsaw daengj doxgaiq dij 10 fanh lai maenz hawj gyoengq lwgnyez Myauzcuz, hawj gyoengq lwgnyez Myauzcuz gig angqyangz.

(Liu Swjyenh Gyaj Siuginz)

● Ndwen 9 ngoenz 12, Ginhsiu Yauzcuz Swciyen banh aen ban son'gyauq daezswng naengzlig lauxsae heiq haeuj hagdangz vunzcaiz vwnzva "sam gih", aen ban son'gyauq neix gungh hailaeb miz son'gyauq yienj heiq caeuq son'gyauq ingjsiengq song loh, ciusou bauxhag 90 lai baux, iucing ndaej canghheiq biujyienj guckgya it gaep, ngeih gaep, swcigih gaep caijdiu bouxswncienz Yangz Gveiging daeuj hwnjdangz.

(Bangz Yaujvaz Lanz Cunh)

● Mboengqneix, "baij cingzgoj cauxsij yinhyoz 'haeujaeg ndwenngoenz caprag beksingq' daengx gih bi 2017" youz Swcigih Vwnzvadingh, Aen Cizdonz Yenji Guengjsae ciepbanh haenx youq Namzningz banh, 《Fwengingqcaz Cejsam》《Fwen Cejsam Fanh Vunz Eu》 song hot fwen Hozciz Si Yizcouh Gih Vwnzva Gvangjden Sinhvnz Cuzbanj Dijyuzgiz senjsoengq haenx ndaej senjhaeuj cingzgoj baijyienj.

(Bwz Lu Couh Linzcing)

● Mboengqneix, vih daezsang bouxndaemmak gohyoz dajndaem suijbingz, coicaenh demcanj laisou, Laizbinh Si Hinghbinh Gih Bingzyangz Cin banh aen hozdung son'gyauq gohgi "vwnzva leih beksingq", iucing nungzyiswh lauxhangz Baekging daengz dieg son'gyauq 60 lai baux bauxndaemmak, soengq donq haeuxngaiz gohbuj lai yiengh he daeuj hawj gyoengq bauxndaemmak.

(Liuz Yungjdwngh)